



Broj: 04-05-6690- /12 Č.A.
Sarajevo, 11.04.2012. godine

SKUPŠTINA KANTONA SARAJEVO
Predsjedavajuća Skupštine Kantona
-ovdje -

PREDMET: Odgovor na poslaničko pitanje
Veza vaš broj:01-05-6690/12

Poslanik Adnan Solaković, na trinaestoj radnoj sjednici Skupštine Kantona Sarajevo, održanoj dana 28.03.2012. godine u okviru tačke dnevnog reda "Poslanička pitanja, inicijative i odgovori" informisao je o problemima u radu taksi službe, te naglasio da je dobio informaciju da je "Sarajevotaksi" najavio štrajk i da će doći u Vladu Kantona da traže svoja prava. Nadalje je naglasio kako u Kantunu Sarajevo postoji oko 1000 nelegalnih taksi prijevoznika i oko 100 iz drugih država, te da se na aerodromu, po zaštitom direktora i njegovog sina, svjesno krši zakon prema taksistima. U skladu sa naprijed navedenim, poslanik je postavio sljedeće pitanje:

1. *"Kome je i interesu nelegalan rad taksi službe i kome je u interesu haos, koji izaziva taj rad?"*.

Odgovor: Nelegalan rad taksi službe nije u interesu kako legalnim organima vlasti, tako ni građanima Kantona. Korist od taksvog prijevoza imaju samo lica koja obavljaju prijevoz bez odgovarajućih odobrenja, jer ne plačaju porez i ostale obaveze po osnovu javnih prihoda i time se neosnovano bogate.

Prema propisima kojim se reguliše oblast taksi prijevoza Ministarstvo saobraćaja nadležno je za izdavanje dokumentacije za obavljanje prijevoza, dok je preuzimanje mjera protiv nelegalnih taksi prijevoznika u nadležnosti Kantonalne uprave za inspekcijske poslove – Inspektorat za promet roba, usluga i saobraćaja, kao i Ministarstva unutrašnjih poslova Kantona Sarajevo, a sve u skladu sa odredbama člana 79. Zakona o cestovnom prijevozu u Federaciji Bosne i Hercegovine.

Ministarstvo ima stalnu saradnju sa nadležnom inspekциjom, predstavnicima MUP-a, te općinskim i kantonalnim sudom, a sve radi preuzimanja mjera kojim je krajnji cilj uklanjanje nelegalnih taksi prijevoznika iz prometa u Kantunu Sarajevo.

Smatramo da samo kontinuirano i uvezano djelovanje nadležnih organa može dovesti do smanjenja broja nelegalnih taksi prijevoznika.

Takođe napominjemo da je u toku izrada Zakona o taksi prijevozu kojim će se ova oblast regulisati na kvalitetniji način i kojim će se nelegalni taksi prijevoznici sankcionisati maksimalnim kaznama, a što će, nadamo se, imati preventivno dejstvo, u smislu da će se mnogo manji broj lica upustiti u obavljanje ove djelatnosti bez odgovarajuće dokumentacije.

Dostaviti:

1. Naslovu
2. a/a

M I N I S T A R

mr Haris Lulić



web: <http://ms.ks.gov.ba>

e-mail: ms@ms.ks.gov.ba

Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

